

洪憲元年二月八日 星期一 第三十三號

政事堂印鑄局發行

北京東長安牌樓王府井大街
電話東局二百零一號

政 公 報

統率辦事處

本報價目

- 一本報按照陽曆每日出報一號
- 一定購三月者收回大洋二元二毛
- 一定購長年者收回大洋八元
- 一外埠購報每半年加郵費洋一元
- 如送報夫役私自加價請告知本局以便查究是為至要
- 一定購一月者收回大洋八毛
- 一定購半年者收回大洋四元五毛
- 一零售每號銅元五枚以本日為限
- 一裝訂每月收回大洋一毛五分不裝訂者聽

目錄

覲見單

二月七日各部院覲見人員銜名單

命令

奏摺

國務卿奏據銓叙局詳稱財政部僉事伍宗珏擬請免覲摺
國務卿奏據銓叙局詳稱選核陸軍第四師軍用文職暨松滬護軍使署薦委各員資格請叙官摺(附單)
國務卿奏據銓叙局詳稱丙等及第留學生周濟安補請分發擬請照章分省摺

內務部奏遵核山東肥城等縣知事馬復昌等拿獲盜犯照章分別給獎摺
陸軍部奏請將吳觀瀾授為陸軍步兵上尉摺
陸軍部奏軍官馬宗合等積勞病故請照章給卹摺
陸軍部奏逃兵于慶奎等掠奪民財擬依律判處死刑摺
陸軍部片奏軍官陳俊等積勞病故擬請從優給卹摺

海軍部奏會同覆審肇和案內各員生等分別議擬高等軍事裁判處

司法部奏據呈京兆暨直隸等省去年七月分民刑事訴訟案件單表摺
農商部奏南洋粵梨埠及朝鮮京城僑商辦理商會並貿易著有成績案請給本部獎章摺(附單)
靖武將軍督理湖南軍務湯銘奏川省附亂軍官李尊梅罪自首懇予赦免摺
莫武將軍督理湖北軍務王占元片奏歷年襄助軍事出力人員

員鄭洪年等分別請給勳章獎章摺
江蘇巡按使齊耀琳奏籌辦江蘇省教育團公有林懇飭部備案摺
江蘇巡按使齊耀琳奏遴員吳其昌等薦請補署江寧等縣知事並懇緩覲摺
綏遠都統潘矩楹奏綏屬上年冬季槍斃盜犯名數列表彙報摺
晉南鎮守使董崇仁奏本署代理少校參謀張淑琳歷有勞績懇照薦任職從優叙官摺
直隸巡按使朱家寶片奏大名道尹姚聯奎到任日期摺

司法部咨各省巡按使嗣後高等廳等詳請任用監獄官員必須切實聲明資格請飭令將資格憑證隨詳送候轉咨核核文
文官高等懲戒委員會致政事堂印鑄局函送民國四年發文號數表希登載公報函(附表)
政事堂銓叙局致印鑄局鈔送本局四年一月起至十二月止收發文表希刊登公報函(附表二)

農商部示(續)
判詞
文官高等懲戒委員會議決書(四年第一百六十四號)
廣告

二月七日各部院覲見人員銜名單

陸軍部覲見官四員

將軍府事務廳廳長徐樹錚

將軍府參軍孫 榮

將軍府參軍帕勒塔

前山西太原鎮總兵謝有功

司浚部覲見官二十四員

大理院推事陸鴻儀

大理院推事許卓然

大理院推事朱學曾

署大理院推事石志泉

大理院推事曹祖蕃

大理院推事胡詒穀

大理院推事李祖虞

大理院推事孫鞏圻

大理院推事李懷亮

大理院推事陳爾錫

大理院推事徐維震

大理院推事錢承鈇

大理院推事李景圻

大理院推事 祁耀川

大理院推事 郁華

大理院推事 潘恩培

總檢察廳檢察官 李杭文

總檢察廳檢察官 熊兆周

總檢察廳檢察官 張祥麟

總檢察廳檢察官 汪祖澤

總檢察廳檢察官 梁宓

總檢察廳檢察官 麥鼎華

總檢察廳檢察官 邵修文

署京師地方檢察廳檢察官 查履忠

審計院觀見官 一員

審計院審計官 審查決算委員會 坐辦 陳宗蕃

蒙藏院觀見官 五員

科爾沁扎薩克和碩達爾罕親王 那木濟勒色楞

喀爾喀扎薩克和碩車臣親王 那彥圖

外蒙業固哲里阿齊圖章巴達喇克散額爾德呢
莫爾根中布伊拉固克散青吉特固勒圖呼拉克圖 嘎勒桑達什

輔國公 納木加旺登

輔國公 銜頭等 台吉 達木林旺濟勒

全國菸酒事務署觀見官 一員

京兆菸酒公署副局長 沈贊武

命令

政事堂奉

策令張光鼐陳超銜高毓澎均給予四等嘉禾章此令

政事堂印

洪憲元年二月七日

國務卿陸徵祥

政事堂奉

策令張壽齡加中卿銜此令

政事堂印

洪憲元年二月七日

國務卿陸徵祥

政事堂奉

策令海軍部奏海軍練習艦隊輪機長黎弼良因病懇請辭職黎弼良准免本職此令

政事堂印

洪憲元年二月七日

國務卿陸徵祥

政事堂奉

策令國務卿奏遵核署川邊鎮守使劉銳恆奏請任命米增湘為懷柔縣知事馬昌驥為巴安縣知事胡存琮為稻城縣知事李鎔為恩達縣知事夏瑚為察雅縣知事牛恩錫試署瀘定縣知事周道熙試署貢縣知事王室藩試署甘孜縣知事呂國璋試署德格縣知事洪裕昆試署武城縣知事李方懋試署鑛霍縣知事王蓋臣試署理化縣知事楊建新試署同普縣知事譚光賢試署昌都縣知事王騰芳試署雅江縣知事史彞試署鹽井縣知事應照准此令

政事堂印

洪憲元年二月七日

國務卿陸徵祥

政事堂奉

申令據湖南靖武將軍湯彞銘巡按使沈金鑑暨湘邊文武官吏先後電稱蔡錫遣戴戡率一支隊侵入貴陽句結黔省一部分軍人脅迫該省官吏擁兵叛國初三日乘舊曆春節分遣逆徒千餘人突向湘邊晃縣一帶大肆擄掠焚衙破獄搶劫市廛該處向無防兵逆徒乘虛侵入蹂躪民商將該處麵糟米豆各物搬運一空又據署貴州巡按使劉顯潛自黔西本籍電陳滇省逆徒陰入貴陽威迫官吏宣布獨立病民者寇害國者仇黔西不能受其恐喝所慮兵單械乏無法防制各等情蔡錫戴戡等久蓄逆謀託名政治肇亂一隅已為全國所共憤乃復侵據貴陽擁兵肆虐竟至分遣逆徒搶擄湘邊連日騷擾城鄉奪取民食迹其行為

與盜賊土匪無異少異湘民何辜被擄者甚多東安州念九探者湯彞銘沈金鑑等

二萬圓遞派幹員卽往受禍地方妥爲撫卹毋令亂後災民飢寒失所一面查明劉顯世蹤迹奏報候核並著湯薌銘馬繼增調撥軍隊分途痛剿被脅黔軍但經投首概免治罪良善人民加意保護其黔省未經附亂各地方人民著劉顯潛設法撫綏免失生業以副國家除暴安良之至意此令

政事
堂印

洪憲元年二月七日

國務卿陸徵祥

國務卿奏據銓叙局詳稱遵核川邊各縣知事資格擬請酌量變通准予分別補署並准緩覲由

政事堂奉

批令米增湘等十六員已另有令任命並准緩覲所請傳令嘉獎各員應均照准餘如所擬辦理此令

政事
堂印

洪憲元年二月七日

國務卿陸徵祥

陸軍部奏陸軍簡薦各職人員黎天才等可否暫緩覲見由
政事堂奉

批令黎天才等均准緩覲單存此令

政事堂印

洪憲元年二月七日

國務卿陸徵祥

海軍部奏匪犯劉之遠執行正法日期由

政事堂奉

批令悉此令

政事堂印

洪憲元年二月七日

國務卿陸徵祥

司法部奏彙呈總檢察廳暨京師高等地方審判廳檢察廳四年十二月分民刑事訴訟

案件單表由

政事堂奉

批令悉單表仍發還該部備案此令

政事堂印

洪憲元年二月七日

國務卿陸徵祥

司法部奏彙呈湖南等省四年七月分民刑事訴訟案件單表由
政事堂奉

批令悉單表仍發還該部備案此令

政事堂印

洪憲元年二月七日

國務卿陸徵祥

司法部奏彙呈湖南等省四年八月分民刑事訴訟案件單表由
政事堂奉

批令悉單表仍發還該部備案此令

政事堂印

洪憲元年二月七日

國務卿陸徵祥

司法部奏參事司長暨總檢察廳檢察官蒙改簡任敬伸謝悃由
政事堂奉

批令悉此令

政事堂印

洪憲元年二月七日

國務卿陸徵祥

司法部奏奉天等省著有成績廳員王瑞之等擬請給予本部獎章由
政事堂奉

批令准如所擬給獎此令

政事
堂印

洪憲元年二月七日

國務卿陸徵祥

司法部奏報派赴商埠各員調查情形由
農商部奏報派赴商埠各員調查情形由
政事堂奉

批令悉應仍由司法部隨時認真督促以策進行單存此令

政事
堂印

洪憲元年二月七日

國務卿陸徵祥

農商部奏參事司長各員蒙改簡任代陳謝悃由
政事堂奉

批令悉此令

政事堂印

洪憲元年二月七日

國務卿陸徵祥

農商部奏本部停職人員及續行委任人員懇請叙官由

政事堂奉

批令交政事堂飭銓叙局核叙册并發此令

政事堂印

洪憲元年二月七日

國務卿陸徵祥

參謀本部奏彙案請補上尉參謀及三等參謀官各缺人員由

政事堂奉

批令准其補授單存此令

政事堂印

洪憲元年二月七日

國務卿陸徵祥

參謀本部奏簡薦參謀各職趙禪等可否准予暫緩覲見由

政事堂奉

批令趙禪等均准緩觀單存此令

政事堂印

洪憲元年二月七日

國務卿陸徵祥

蒙藏院奏章嘉呼圖克圖率領喇嘛在後黃寺摩經日期並由院派員照料行禮由
政事堂奉

批令悉此令

政事堂印

洪憲元年二月七日

國務卿陸徵祥

督練新編陸軍事宜陳光遠奏秘書長董錫成等蒙授實官據情代陳謝悃由
政事堂奉

批令悉此令

政事堂印

洪憲元年二月七日

國務卿陸徵祥

江蘇巡按使齊耀琳奏蘇省辦理實業人員張光鼐等成績昭著擬請獎由

政事堂奉

批令張光鼐等已另有令明發其餘請獎勳章各員應均照准並將請叙文官四員交政事堂
飭銓叙局核叙單並發此令

政事堂印

洪憲元年二月七日

國務卿陸徵祥

咸武將軍督理陝西軍務陸建章奏二等男陝南鎮守使陳樹藩封爵代陳謝恩由

政事堂奉

批令悉此令

政事堂印

洪憲元年二月七日

國務卿陸徵祥

一等伯咸武將軍督理陝西軍務陸建章奏封爵謝恩由

政事堂奉

批令悉此令

政事堂印

洪憲元年二月七日

國務卿陸徵祥

安徽巡按使李兆珍奏核准免試知事湯丙炎等職務重要援案請免考詢先行分發任用並准緩覲由

政事堂奉

批令該員等既係現充要職應准免其考詢即行分發任用其籍隸本省之倪文錚趙文元二員准先行分省仍暫留供差並均准緩覲交內務部查照辦理此令

政事堂印

洪憲元年二月七日

國務卿陸徵祥

將軍銜督理新疆軍務楊增新奏胞弟增炳奉令存記恭陳謝悃由

政事堂奉

批令悉此令

政事堂印

洪憲元年二月七日

國務卿陸徵祥

新疆巡按使楊增新奏遴員牟維蓮趙國棟委署塔城伊犁兩縣知事由

政事堂奉
批令悉交內務部查照并由政事堂飭銓叙局查照此令

政事堂印

洪憲元年二月七日

國務卿陸徵祥

新疆巡按使楊增新奏遴員譚思韶委署霍爾果斯縣知事由
政事堂奉

批令悉交內務部查照并由政事堂飭銓叙局查照此令

政事堂印

洪憲元年二月七日

國務卿陸徵祥

新疆巡按使楊增新奏請添設疏附莎車兩縣巡兵以資保衛由
政事堂奉

批令准如所請交內務部查照此令

政事堂印

洪憲元年二月七日

國務卿陸徵祥

新疆巡按使楊增新奏派員巡視喀什各屬情形由

政事堂奉

批令前據刪電已飭令妥籌辦理矣交內務農商教育三部查照此令

政事堂印

洪憲元年二月七日

國務卿陸徵祥

新疆巡按使楊增新奏擬請添設和什托落蓋縣佐由

政事堂奉

批令前據條電已交內務部核議具復矣此令

政事堂印

洪憲元年二月七日

國務卿陸徵祥

將軍銜督理新疆軍務巡按使楊增新奏捕獲哥老會匪黃應奎立予懲辦以靖地方由

政事堂奉

批令悉交內務陸軍司法三部查照此令

政事堂印

洪憲元年二月七日

國務卿陸徵祥

將軍銜督理新疆軍務巡按使楊增新奏拏獲和闐會匪頭目陳玉祥依法懲辦由

政事堂奉

批令悉交內務陸軍司法三部查照此令

政事堂印

洪憲元年二月七日

國務卿陸徵祥

新疆巡按使楊增新奏已故知事蔡漱濤前在英皮兩縣任內虧欠各款無力措繳懇予

豁免乞訓示由

政事堂奉

批令准予豁免以示體恤交內務財政兩部查照此令

政事堂印

洪憲元年二月七日

國務卿陸徵祥

署理杭州關監督程恩培奏恭報到任日期并蒙叙官敬抒謝悃由
政事堂奉

批令悉此令

政事
堂印

洪憲元年二月七日

國務卿陸徵祥

奏摺

國務卿奏據銓叙局詳稱財政部僉事伍宗珏擬請免覲摺

奏為財政部僉事伍宗珏擬請免覲恭摺仰祈 聖鑒事據銓叙局詳稱准財政部咨開本部奏請任命伍宗珏為僉事業經恭奉 策令照准在案查修正覲見條例內開曾經覲見之薦任職轉任薦任職得聲明毋庸覲見等語該員前在署僉事任內曾經覲見現在改為實任可否准予免覲之處咨請查核轉奏等因准此查伍宗珏前在署僉事任內曾於上年五月三日覲見在案茲准前因核與修正覲見條例第十一條相符伍宗珏擬請准予免覲是否有當詳請轉奏等情理合恭摺具奏伏乞 皇帝陛下聖鑒訓示遵行謹 奏

政事堂奉

批令伍宗珏准免覲見此令

政事堂印

洪憲元年二月二日

國務卿陸徵祥

國務卿奏據銓叙局詳稱遵核陸軍第四師軍用文職暨松滬護軍使署薦委各員資格請叙官摺（附單）

單

奏為遵核陸軍第四師軍用文職暨松滬護軍使署薦委各員叙官資格恭摺仰祈 聖鑒事據銓叙局詳稱本年一月二十五日奉交松滬護軍使楊善德轉電開第四師軍用文職履歷已詳統率辦事處轉送銓叙局希接第三師提前核叙成案飭知該局從速叙補文官等因到局茲經職局將陸軍第四師軍用文職暨該護軍使署薦委各員履歷詳加審查均屬相符理合分別開單詳請轉奏等情前來理合具陳伏乞 皇帝陛下聖鑒訓示施行謹 奏

政事堂奉

批令吳蘭孫等已另有令明發其餘委任各員均准如擬授官此令

政事堂印

洪憲元年二月二日

國務卿陸徵祥

謹將陸軍第四師暨松滬護軍使署軍用文職委任各員叙官名單開列恭呈

御覽

計開

陸軍第四師步兵第七旅十三團二等書記官璩履平 第八旅二等書記官范森文 陳廷翰 第八旅十

五團二等書記官盧陶 吳紹沛 騎兵第四團二等書記官張世安 礮兵第四團二等書記官劉贊

清 尹良弼 步兵第七旅二等書記官孫慶元 十四團二等書記官陳世忠 第八旅十六團二等書

記官徐輔祥 任松年 騎兵第四團二等書記官夏琦瑛 參謀處書記長沈廷俊 執法處書記長郭

正心 軍醫院書記長郝國春 步兵第七旅十三團第二營書記長吳鳳輝 第三營書記長于德海

第八旅十五團第二營書記長袁金詔

以上十九員積資四年以上並曾為委任職按照文官官秩令應請授為上士

陸軍第四師步兵第七旅十四團二等書記官高慶祥 騎兵第四團第二營書記長楊廷珍 第三營書記

長孔廣星 執法處書記長任彝亮 工兵第四營書記長李煥章 步兵第七旅十四團第二營書記長

徐兆漢

以上六員積資二年以上並曾為委任職按照文官官秩令應請授為中士

陸軍第四師步兵第七旅十三團書記官唐鶴舉 軍需處書記長李鑒 礮兵第四團第二營書記長劉

中軍處書記長孫廷樞 軍械處書記長朱輔谷 電報館書記劉鳳昇 步兵第七團十三營第一營書記長張柳堂 十四團第一營書記長楊漢忠 第八旅十六團第二營書記長王輔岳 第三營書記長尹式伊 礮兵第四團第一營書記長尹士龍 第三營書記長錢壽彭 步兵第八旅十五團第一營書記長時文熙 第三營書記長陳 然 十六團第一營書記長王澤溥 騎兵第四團第一營書記長高鳳齡 輜重兵第四營書記長王蘊山

以上十七員或積資未滿二年或未會為委任職按照文官官秩令應請授為少士
松滬護軍使署軍需課員許人俊 張開第 書記員熊憲章

以上三員積資四年以上並會為委任職按照文官官秩令應請授為上士
國務卿奏據銓叙局詳稱丙等及第留學生周濟安補請分發擬請照章分省繕單仰祈 聖鑒事據銓叙局詳稱查考驗丙等

及第留學生各生歷經由局按照呈准暫行任用辦法分發各省先後奉 批照准其稟請暫緩分發之姚潤仁范紹洛周濟安白象錦等四員並經隨案聲明俟各該員等補請分發時再行核辦等因各在案茲據周濟安一員稟請分發直隸本局覆加查核與呈准分省任用辦法相符擬請准予分發直隸俾資歷練等情詳請轉奏前來理合恭摺具陳伏乞 皇帝陛下聖鑒訓示謹 奏

政事堂奉

批令准其照章分發此令

政事堂印

洪憲元年二月二日

國務卿陸徵祥

內務部奏遵核山東肥城等縣知事馬復昌等拏獲盜犯照章分別給獎摺

奏為遵核山東肥城等縣知事拏獲盜犯照章分別給獎恭摺仰祈 聖鑒事承准政事堂鈔交山東巡按

使臣蔡儒楷奏縣知事馬復昌等拏獲盜首盜夥請分別給獎一案於洪憲元年一月十七日奉 批令交

內務部照章核獎此令等因奉 批查原奏內稱前肥城縣知事馬復昌拏獲夥匪縣屬王作盈等家案內之盜

夥宋三等三名窩戶方玉銀一名當場格斃盜首宋憲章及不識姓名盜匪各一名商河縣知事徐德潤前後

拏獲夥匪平原各縣及本境內李士真家案內之盜犯竇練仔一名當場格斃盜首王三仔夥匪李成仔等五

名又宋傳周等四名現任肥城縣知事馬振儀拏獲夥匪東平縣井長志等家案內之盜匪王全一名曲阜縣

知事魏正鴻拏獲竊盜泗水縣王美獻等家牛物案內之越獄逃犯馬壯一名汶上縣知事白璞臣先後拏獲

夥匪河南柘城等縣案內之匪首匪夥陶鴻信等四名濟寧縣知事徐德源拏獲夥匪江南陽山等縣案內之

盜首盜夥李奎等五名魚台縣知事安永昌拏獲夥匪汶上縣案內之盜夥李宗寅等二名鄒城縣知事盛挺

森拏獲夥匪嶧縣葛保護家案內之盜犯孫業矩一名朝城縣知事孫樹人拏獲夥匪直隸元城案內之盜匪

張法亮等三名萊陽縣知事周大封拏獲夥匪諸城縣董丁氏家案內之盜匪劉德茂等五名均經各該員詳

加研訊供認不諱詳請法辦在案應請照章分別給獎等情到部查知事獎勵條例第十條第三項載拏獲盜

案之盜首盜夥或窩戶在五日以內者獎以第三等獎勵第五條載第三等獎勵一進級二加倍又第十一條

第二項載拏獲鄰境之盜首盜夥或窩戶者獎以第四等獎勵第六條載第四等獎勵一金質棠蔭章二銀質

棠蔭章各等語此案前肥城縣知事馬復昌商河縣知事徐德潤拏獲盜案之盜首盜夥或窩戶均在五日以

內現任肥城縣知事馬振儀曲阜縣知事魏正鴻汶上縣知事白璞臣濟寧縣知事徐德源魚台縣知事安永

昌鄒城縣知事盛挺嶧縣知事孫樹人萊陽縣知事周大封均拏獲鄰境盜首盜夥核與前項事例均屬

相符擬將馬復昌徐德潤二員獎以加俸註冊馬振儀等八員均給予銀質棠蔭章以昭激勸如蒙 俞允

即由臣部遵照辦理所有照章分別給獎緣由是否有當理合恭摺具陳伏乞 皇帝陛下聖鑒訓示謹

政事堂奉

批令准如所擬給獎此令

政事堂印

洪憲元年二月二日

國務卿陸徵祥

陸軍部奏請將吳觀瀾授為陸軍步兵上尉摺

奏為請補陸軍實官人員恭摺仰祈 聖鑒事竊准興武將軍督理浙江軍務朱瑞咨送守備隊步兵營第

二連連長吳觀瀾履歷咨請查核辦理等因查該連長吳觀瀾曾經補授陸軍步兵中尉並加陸軍步兵上尉

銜在案現在實任軍職已滿二年核與陸軍官佐補官令施行細則第九條升補規定尙屬相符擬請將該連

長吳觀瀾補授陸軍步兵上尉以符定章理合恭摺具陳伏乞 皇帝陛下聖鑒訓示謹 奏

政事堂奉

批令准如所擬授官此令

政事堂印

洪憲元年二月一日

國務卿陸徵祥

陸軍部奏軍官馬宗合等積勞病故請照章給卹摺

奏為軍官軍屬積勞病故擬請照章給卹恭摺仰祈 聖鑒事案准陸軍第八混成旅旅長徐占鳳詳稱步

二團第二營營長陸軍步兵少校馬宗合於民國二年七月成營之始派充斯職訓練新兵頗著成效是年冬

間調防豫省迭次移防洛陽鄆城長葛等縣剿辦土匪卓著勤勞因在鄆城潔河寨防次操勞過度染患癩症

醫治罔效延至四年十二月在防身故成武將軍督理四川軍務陳宦咨陳陸軍第十六混成旅步一團第三營排長王雲堂自民國元年入伍勤慎服務上年由陝赴甘晝夜兼程追剿白匪因積勞成疾至移防川省該排長猶力疾從公不辭勞瘁是以病益加劇於四年十月在防身故靖武將軍督理湖南軍務湯壽銘咨陳湖南守備隊第六區第六營書記長朱仲循由軍需升充斯職在營供差多年頗著勞勩上年十月因公赴永在零陵途次染病身故先後造送證書表結請予照章給卹各等因前來臣部詳加覆核與陸軍平時卹賞暫行簡章第四條在軍營立功後積勞病故給卹之規定相符擬請以該故營長馬宗合一員按少校階級從優照卹賞表第二號給與一次卹金二百五十元書記長朱仲循一員按少尉階級從優照卹賞表第二號給與一次卹金二百五十元排長王雲堂一員按中尉階級從優照卹賞表第二號給與一次卹金二百元以資旌勸所有核擬給卹緣由是否有當理合恭摺具陳伏乞 皇帝陛下聖鑒訓示遵行謹 奏

政事堂奉

批令准如所擬給卹此令

政事堂印

洪憲元年二月一日

國務卿陸徵祥

陸軍部奏逃兵王慶奎等掠奪民財擬依律判處死刑摺

奏為逃兵掠奪民財擬依律判處死刑恭摺仰祈 聖鑒事案據陸軍第一師師長蔡成勛詳稱該管步二旅第四團一營四連正兵王慶奎齊科魁二名乘隙潛逃並各拐帶軍服刺刀強取民間郭姓騾馬逃至中途又強與行人換馬扎傷事主經涼城縣巡警緝獲報由該管團長派員往提解送該管旅部飭加審訊供證確鑿擬依陸軍刑事條例第八十一條犯逃亡而攜帶兵器等件之規定判處該犯等死刑並稱該管長官未能

先事察覺殊屬異常疏忽業將該營長記過連排長各記大過一次鈔錄判決書供詞請核辦等情轉詳到部查陸軍刑事條例第八十一條犯逃亡而攜帶兵器等件者只限於敵前戰時或戒嚴地域得處死刑其餘則處三等以上有期徒刑此案該正兵王慶奎齊科魁攜帶軍服刺刀潛逃並非敵前戰時其駐紮地域亦未據聲明戒嚴據此判處死刑殊屬失當惟該犯等強取民間騾馬事屬掠奪嗣與行人強行換馬扎傷事主又屬因掠奪而傷人按照陸軍刑事條例第七十四條及第七十六條均得處以死刑擬即撤銷原判另依掠奪各本條將該犯王慶奎齊科魁均處死刑庶與罪刑相符至該管營連排長等於該犯等之逃亡事前並無察覺亦屬異常疏忽惟既據該師長分別記過擬即免予另議是否有當理合恭摺具陳伏乞 皇帝陛下聖鑒訓示謹 奏

政事堂奉

批令王慶奎齊科魁應准如擬執行該管營長等既經分別記過著從寬免其置議即由該部轉行遵照此令

政事堂印

洪憲元年二月一日

國務卿陸徵祥

陸軍部片奏軍官陳俊等積勞病故擬請從優給卹摺

再臣部差遣員陸軍少將銜步兵上校陳俊前湖北兵站總監處參謀官徐玉麟服役有年勤奮卓著均因積勞成疾於本年一月在差身故該員等身後蕭條孀妻弱息無以資生可否從優按少將階級給與陳俊一次卹金六百元按上尉階級給與徐玉麟一次卹金三百元以示體恤而資激勸之處理合附片具奏伏乞 聖鑒訓示遵行謹 奏

政事堂奉

批令准如所請從優給卹此令

政事
堂印

洪憲元年二月一日

國務卿陸徵祥

海軍部奏會同覆審肇和案內各員生等分別議擬判結摺

奏為會同覆審肇和案內各員生等分別議擬判結恭摺仰祈 聖鑒事竊去年肇和軍艦被襲案內見習生黎鉅鏗等及前艦長黃鳴球等先後兩次解京均由臣部奏請 派員覆訊歷奉 批令派傅良佐周

肇祥前往會同審訊呈報核辦此令各等因欽遵在案即由臣良佐臣肇祥會同臣部所派參事吳振南觀察鄭寶菁副官榮志科長孫必振林國慶羅之彥等組織軍法會審兩次推鞠案情經已明瞭擬為分別判結以

昭允當查民國四年十二月五日亂黨撲襲肇和軍艦時該艦見習生黎鉅鏗曾紀棠二人係於十二月四日請假上岸至五日尚未回艦均在上海大安棧住宿陳作梅係於十二月一日回南京原籍至五日正在孟慕

莊家幫忙歷查皆有確證又查該生等之偽委任狀三紙係在肇和艦中由匪人所遺之箱內檢出並非由該生等身內收獲且事後均係自行投到是該生等當時並未與亂事前必不知情已可證明其情形似屬可原

惟核各偽狀內何以偏有該生等之名難保彼等素常無與陳可鈞箇人結合情事致有此狀發生但結合箇人與結合亂黨迥異按之陸軍刑事條例並無正條可引祇得比照該條例第一百零二條第二項違背職守

而結社集會之規定酌處以五等有期徒刑三月並扣算已押日期前肇和艦長黃鳴球當該艦被襲時聞信趕回中途被亂黨邀截拘禁於漁陽里內雖迭經總司令處交涉署法公堂派員指查屬實然身為一艦之司

令官於戒嚴地域無故不就地護至全艦失守實屬辱職擬依該條例第四十二條第二項處斷惟該前艦長是日由藍營岸係屬箇人並無率帶隊兵如該條文所規定者擬於原罪上酌減一等處以二等有期徒刑

四年魚雷正王大焜雖於肇亂時更換衣服避在電燈輪內而詳核案情確爲躲避亂黨發被拘迫起見倘非有意欺詐圖避危險況於此次亂事所有該管艦內魚雷部分均能保全未被脅用且當更換衣服時即作信報告總司令處俾得準備一切現有裁缺海軍總司令李鼎新第一次電報爲憑其心跡尤可證明擬判無罪航海副楊砥中當時雖被脅迫未能與之抗拒惟於亂黨逃時尙知督同士兵奮迅救火力圖撲滅情節不無可原擬照原判依該條例第七十三條第二項處以五等有期徒刑六月並准宣告緩刑二箇月以上各節經臣等再三研鞫詳核案情尙無遁飾再查陸軍條例第一百零五條軍官犯徒刑之罪應否剝奪官須隨案聲叙由該部或該管最高級長官呈請核定施行等語此案除前肇和艦長黃鳴球業於去年十二月十五日奉令褫職奪官外其航海副海軍少校楊砥中曾給一等獎章應否奪官並奪獎章統俟 批令遵辦所有會同覆審肇和案內各員生等分別議擬判結緣由是否有當謹恭摺具陳伏乞 皇上聖鑒訓示再此摺係由臣部主稿會同臣良佐臣肇祥具奏合併聲明謹 奏

政事堂奉

批令准如所擬分別執行楊砥中並著褫奪海軍少校原官暨所得獎章歸案辦理此令

政事堂印

洪憲元年一月三十一日

國務卿陸徵祥

司法部奏彙呈京兆暨直隸等省去年七月分民刑事訴訟案件單表摺

奏爲彙呈京兆暨直隸黑龍江山東河南山西安徽江西湖北廣東等省各縣去年七月分民刑事訴訟案件單表恭摺仰祈 聖鑒事臣部去年七月呈民刑事訴訟案件摺由彙報辦法及清單附表格式旋於同月二十二日奉 批令准如所擬辦理由部通行遵照單表存此批等因遵即鈔印通行并歷經彙報在案茲

據京兆固安等八縣直隸青縣等一百一十七縣暨大沽口海防公署黑龍江嫩江等七縣暨鐵驢設治局山東章邱等八十四縣河南陳留等三十五縣山西太原等六十九縣安徽桐城等五十八縣江西豐城等五十九縣湖北鄂城等六十七縣廣東赤溪等五縣分別遵式將去年七月分民刑事訴訟案件造具單表詳由該管高等審判廳依呈准辦法第一條第四款所列程序彙報前來臣部覆核無異謹依該條規定彙總呈報仍請 發交臣部備案惟此項單表創辦伊始除直隸省各縣由該管高等審判廳安徽省各縣由該省巡按使署代為改繕尙稱整齊外京兆暨黑龍江山東河南山西湖北廣東等省各縣填載方式每有不合之處已由臣部分別指明責令各該高等審判廳嗣後認真查核隨時駁飭更正以符定章再據山西省浮山縣聲稱是月並無刑事案件理合恭摺具陳伏乞 皇帝陛下聖鑒訓示施行謹 奏

政事堂奉

批令悉單表存此令

政事堂印

洪憲元年一月三十一日

國務卿陸徵祥

農商部奏南洋雪梨埠及朝鮮京城僑商辦理商會並貿易著有成績彙案請給本部獎章摺(附單)
奏為南洋雪梨埠及朝鮮京城僑商辦理商會並貿易著有成績彙案請給臣部獎章以資鼓勵恭摺仰祈

聖鑒事竊上年十二月間據駐澳大利亞總領事會宗鑒詳稱僑商葉炳南在南洋營業二十餘年雪梨埠中華商會成立歷充該會會長辦理會務實心任事現將回國按其成績與獎章規則第三條第八項規定相符擬請給予二等獎章又本年一月據駐朝鮮總領事富士英詳報創辦朝鮮京城中華商會之張時英等六員合於獎章規則第三條內第二第八兩項之規定請部核獎各等情到部查臣部上年七月間擬訂獎章規

則呈奉 批准通行並廣東請獎汕頭商會人員一案通核辦理在案茲查雪梨埠僑商葉炳南既據駐澳大利亞總領事稱其平日辦理會務成績卓著張時英等六員並據駐朝鮮總領事詳請給獎核與規則第三條內第二第八兩款規定均尙相符擬請將葉炳南一員准如所請給予二等獎章張時英一員給予二等獎章譚以時等五員給予三等獎章俾得各受榮施以昭激勸如蒙 兪允即由臣部遵照辦理並請 飭交政事堂銓叙局備案所有彙案請給雪梨埠及朝鮮京城各僑商獎章緣由理合開具各該員履歷清單恭摺具陳伏乞 皇帝陛下聖鑒訓示謹 奏

政事堂奉

批令准如所擬給獎單存此令

政事堂印

洪憲元年二月一日

國務卿陸徵祥

謹將南洋雪梨埠及朝鮮京城僑商創辦商會應獎各員繕具履歷清單恭呈

聖鑒

計開

葉炳南 張時英

以上二員擬請給予二等獎章

譚以時 黃庚昇 宋金銘 盧恩封 林澤成

以上五員擬請給予三等獎章

靖武將軍督理湖南軍務湯錫銘奏川省附亂軍官李蕞悔罪自首懇予赦免摺

奏爲前通緝川省附亂軍官李蕞悔罪自首據情轉奏仰祈 聖鑒事竊上年八月間據常寧李蕞稟稱蕞

前在川省充第五師十旅十九團二營營長駐防重慶定遠等處當川省獨立時人心惶惑全川動搖籌部兵士多數已受煽惑籌爾時無可抵抗惟有極力維持秩序保全治安事平後又將軍隊移赴萬縣遣散所有軍械均交商務總局保管旋隻身歸里以明心跡不料因曾充逆首熊楊屬官遂致列名通緝案內恭讀本年一月一日 特赦令凡附亂自首者均准赦免并發給免罪證書一時薄海內外莫不同聲感泣籌雖未附逆且無擾亂行為然既以嫌疑列名通緝曷敢不遵 令自首仰懇 赦免理合照章稟具保切結稟請垂

察代為昭雪等情並由李光鼎等出具保結連同該自首人切結相片由李籌親資投署帶到臣當以該員係川省軍官應候行查隨批示並咨請成武將軍署飭查見覆去後至十一月二十九日准成武將軍署咨覆稱據重慶鎮守使陸軍第一師師長周駿詳轉據武勝縣知事派正紳郭燦章段丹林詳細查明稟覆稱李籌前駐縣境頗能盡職迨熊逆倡亂李籌雖不敢反對而約束兵士嚴守紀律地方秩序賴以維持後因兵糧不繼亦能將所部妥為解散并無擾害情事理合稟覆等語由該知事鎮守使訪查相符遞詳前來經本署復查無異相應咨請查照辦理等因准此伏查李籌既經查明非甘心附逆且無擾害行為其此次悔罪自首出於真誠合無仰懇 天恩准予援 令赦免並由臣署給予免罪證書之處出自 逾格鴻慈所有前通緝川省軍官李籌悔罪自首各緣由理合據情轉奏恭摺伏乞 皇上聖鑒訓示謹 奏

政事堂奉

批令李籌准予特赦著候彙案辦理此令

政事堂印

洪憲元年一月三十一日

國務卿陸徵祥

襄武將軍督理湖北軍務王占元片奏歷年襄助軍事出力人員鄭洪年等分別請給勳章獎章摺

再臣自辛亥陽夏之役及贛寧之役於武漢征調輸送歷經往來稔知京漢路局暨紅十字會醫院各員盡心職務保衛傷病軍士均屬著有微勞事後追思擬擇尤請給獎章以資鼓勵查有現充京漢路局處長鄭洪年擬請特給二等文虎章收支所長劉淇擬請特給四等嘉禾章路警總段長易懷遠擬請特給四等文虎章法蘭紅十字會醫院長梅旋擬請晉給五等嘉禾章車務段長嚴斌之擬請晉給六等文虎章委員王宗沂擬請晉給六等嘉禾章路警總巡官馮沅醫官馮國寶擬請給予七等嘉禾章駐漢路局辦事員沈之準陳雍張坦孫龍光汪楷擬請給予一等獎章如蒙 兪允再行飭取各該員履歷分咨內務陸軍部查照所有擬獎歷年襄助軍事出力人員是否有當理合附片具陳伏乞 聖鑒飭部核覆施行謹 奏

政事堂奉

批令鄭洪年等已有令明發餘如所擬分別給獎交陸軍部查照並由政事堂飭銓叙局查照此令

政事堂印

洪憲元年二月一日

國務卿陸徵祥

江蘇巡按使齊耀琳奏籌辦江蘇省教育團公有林懇飭部備案摺

奏為籌辦江蘇省教育團公有林以資提倡恭摺仰祈 聖鑒事竊維國家根本之計畫以教育為先教育

事業之設施惟經費是賴比來迭奉 明令諄諄以推廣地方教育為訓 睿謨深遠遐邇同欽蘇省當

江海之衝興學較早徒以經費過絀進步未能迅速去秋舉行全省教育行政會議關於各縣教育經費分別

整理擴張經臣提案交議次第公布施行而以省款設立之各學校及其他教育機關目前幾費維持今後正

圖發展每接見地方辦學員紳僉以教育無基金為慮其言適中蘇省教育之病而省辦教育事業為尤甚也

恭讀前奉 頒布之森林法有公有林之規定臣竊謂若能酌提少許學款組織團體經營公有林非惟圖

目前實業之先導兼可資將來教育之擴充大江南北不乏可以造林之區節經費佐治教育行政人員延同技術專家度地設籌據報江浦縣境內老山長江築其西南鐵路橫其東北以興林業最爲適宜復經飭據江浦縣知事勒大鵬查得該山委係官荒居多遂於本年召集省款設立之各校校長及其他教育機關人員議定組織江蘇省教育團公有林先就江浦縣境老山著手興造定爲第一林其造林經費出自省教育費之掙節將來成林收入即悉數撥充省教育之用途當經委用省公署教育科長盧殿虎兼充江蘇省教育團公有林總理刊給關防設局浦鎮督促進行統計該山面積約三百方里其詳確畝數尙待精測惟以該項林業係集合全省教育機關協力經營且資提倡實業據請悉數給領應繳之保證金依森林法第十四條之規定每十方里酌繳銀二十元該山完全成林時期定爲二十年並依森林法第十六條之規定自承領日起請免二十五年之租稅總之森林事業本爲莫大利源此次江蘇省組織教育團公有林係爲全省教育經費規畫久遠樹人樹木相互以施合無仰懇 天恩特准照辦飭部備案除分咨內務財政教育農商各部查照外所有籌辦江蘇省教育團公有林緣由理合恭摺具陳伏乞 皇上聖鑒訓示謹 奏

政事堂奉

批令所擬教育團公有林辦法規畫久遠用意甚善應准照辦交教育農商兩部查照備案並交內務財政兩部查照此令

政事堂印

洪憲元年二月一日

國務卿陸徵祥

江蘇巡按使齊耀琳奏選員吳其昌等薦請補署江寧等縣知事並懇緩覲摺

奏爲江寧等縣知事員缺遴員薦請分別補署以重職守恭摺仰祈

皇鑒事竊查印事任用暫行條例第

一條各縣知事非試驗及格或經保薦由部註冊者各該長官不得薦請任命又准內務部咨開後知事凡有曾經歷任地方政績素著者准其呈薦實授其有學識優長而經驗或有未逮者一律先請試署一年期滿如果稱職再當列舉成績出具考語呈薦實授又縣知事甄別章程第三條到省甄別凡分發任用之縣知事應自到省之日起扣滿一年由該長官認真考核出具切實考語呈報照章補用第五條凡有左列各項資格之一者得免到省甄別甲曾任實缺州縣以上人員乙曾在差在缺著有成績得賞勳章及奉令嘉獎人員又准部咨知事甄別章程第五條甲款曾任實缺人員係包括民國前清而言凡經署缺者不得入此範圍各等因歷經遵辦在案茲查有現署江寧縣知事吳其昌年五十六歲安徽歙縣人曾署江蘇太湖廳撫民同知武進鎮洋等縣知縣第三屆保准免試奉獎五等嘉禾章得免到省甄別該員富有經驗治理明通現署連水縣知事王寶瑩年六十一歲浙江嘉興縣人曾選授山西交城縣調署岢嵐州襄陵縣第四屆保准免試奉獎五等嘉禾章得免到省甄別該員老成穩練卓著勤勞現署興化縣知事章家駒年四十歲安徽銅陵縣人曾補授江西定南廳撫民同知調署新昌縣知縣第一屆保准免試得免到省甄別該員經驗宏深才識並懋現署寶應縣知事戴邦植年五十歲安徽旌德縣舉人曾補授湖北廣濟縣知縣歷署武昌地方審檢廳廳長上海地審廳推事第三屆試驗及格得免到省甄別該員精通法律心細才長現署溧水縣知事陳善謨年五十三歲山西猗氏縣拔貢曾署山西沁縣知事第二屆試驗及格並經到省甄別該員篤實勤懇講求吏治以上五員均係歷任地方政績素著擬合薦請實授又查有現署六合縣知事鄭耀烈年四十二歲湖北孝感縣優貢歷任江寧天津京師地方檢察廳檢察官書記官第二屆試驗及格並經到省甄別該員實心任事局度安詳現署青浦縣知事高繼宗年四十一歲奉天鐵嶺縣人曾補學部專門司員外郎歷充鄂岸湘岸權運局稽核所長江蘇巡按使公署實業科長奉獎五等嘉禾章第四屆保准免試得免到省甄別該員才猷卓越力果心精現署奉賢縣知事雲韶年四十六歲京兆大興縣人歷充海軍部秘書軍法司長統計局長上海鎮守使署秘書兼偵緝處長奉獎五等文虎章第四屆保准免試得免到省甄別該員研究治術辦事勤能

現署灌雲縣知事陶士英年三十七歲浙江紹興縣附生歷任吉林高等地方審判廳刑庭推事行政公署秘書第四屆保准免試奉獎五等嘉禾章得免到省甄別該員年壯才明勇於任事又靖江縣知事員缺緊要亦應揀員請補查有候補縣知事現充寧省鐵路局局長連德英年三十六歲奉天海城縣貢生歷充度支部稅課司員清理財政處坐辦河南執法營務處提調奉天蓋復遼康稅捐徵收局長江蘇巡按使公署科員奉獎六等嘉禾章第四屆保准免試得免到省甄別該員精明幹練為守兼優以上五員均係學識優長堪以先行試署一年期滿如果稱職再當薦請實授合無仰懇 恩准任命吳其昌為江寧縣知事王寶瑩為漣水縣知事章家駒為興化縣知事戴邦植為寶應縣知事陳善謨為溧水縣知事鄭耀烈試署六合縣知事高繼宗試署青浦縣知事宏詔試署奉賢縣知事陶士英試署灌雲縣知事連德英試署靖江縣知事該員等俱係現任及在職人員職務重要可否暫緩覲見之處伏候 睿裁除將各該員履歷分咨內務部銓叙局查照外所有遴員薦請分別補署江寧等縣知事員缺并可暫緩覲見各緣由理合恭摺具陳伏乞 皇上聖鑒訓示謹 奏

政事堂奉

批令吳其昌等已另有令任命并准緩覲交政事堂飭銓叙局查照并交內務部查照此令

政事堂印

洪憲元年二月一日

國務卿陸徵祥

撥遠都統潘矩楹奏屬上年冬季槍斃盜犯名數列表彙報摺

奏為緩屬上年冬季分執行槍斃盜匪人犯姓名數目謹遵章列表恭摺彙報仰祈

聖鑒事竊查緩屬上年七八九三個月懲治盜犯案件執行死刑人數業經列表呈報在案茲自上年十月分起至十二月底止

各軍隊先後擊獲盜犯案伴四起共匪犯李成才魯忠義王玉田等德德張樹棠等四等六名經海防軍署軍法課研訊得實詳報前來當經臣飭令遵照懲治盜匪法之規定執行槍斃以昭炯戒除咨明主管部外所有上年冬季三個月執行槍斃盜匪人犯姓名數目理合摺叙案由分晰列表恭摺附呈伏乞 皇帝聖鑒飭部備案謹 奏

政事堂奉

批令悉交內務陸軍司法三部查照表並發此令

政事堂印

洪憲元年一月三十日

國務卿陸徵祥

印鈔之印

晉南鎮守使董崇仁奏本署代理少校參謀張淑琳歷資勞績懇照薦任職從優叙官摺

奏為援案歷陳本署代理少校參謀張淑琳歷資勞績懇 恩准照薦任職從優 飭叙文官恭摺仰祈

聖鑒事案查文官秩令第二條載授官進官加秩依左列之規定第六條載薦委職授官由所屬長官奏請命令行之等因查有本署代理少校參謀張淑琳在前清於光緒二十九年應山西省鄉試中式舉人歷辦本省學務成就頗多著有勞績宣統二年應舉貢會考取中以內閣中書用閣僚值經前山西巡撫丁奏調回省不停資俸充山西全省地方自治籌辦處參議奉旨依議入廷國後復充山西全省地方自治籌辦處副總參事並編纂局編纂員等差概未斷資該員學識宏通富有經驗二年九月經臣調充本署軍需官任事勤敏履著勞勩四年五月詳報參謀部代理本署少校參謀於剿辦陳匪案內蒙 旨賞給六等文虎章其勳勞昭著早在 聖鑒之中特以該員非軍人出身礙於定例不能補授軍官若再不予聲請改叙文官未免向隅伏查本署代理參謀長米佩棠前以非軍人出身蒙陳歷職積資呈奉 諭旨改獎文官授為中大

夫該參謀張淑琳事同一律自應援案辦理查任用參謀人員簡章第二條載各省將軍護軍使都統行署中校以下參謀仍由參謀部揀員請補第三條載鎮守使中校以下參謀亦同前條辦理第五條載旅部參謀為一等參謀或二等參謀皆係中少校充補仍由參謀部揀員請補是臣署少校參謀本屬薦任職該代理少校參謀張淑琳當然為薦任待遇該員張淑琳在前歷職與現職均係薦任且積資已在十年以上懇 恩飭交銓叙局照薦任職從優改叙文官以昭激勸出自 逾格鴻施所有援案歷陳代理少校參謀張淑琳積資勞績請 飭交銓叙局從優改叙文官緣由是否有當理合恭摺具陳伏乞 皇上聖鑒訓示施行謹 奏

政事堂奉

批令交政事堂飭銓叙局核叙此令

政事堂印

洪憲元年二月一日

國務卿陸徵祥

直隸巡按使朱家寶片奏大名道道尹姚聯奎到任日期摺

再查上年十一月二十日恭奉 策令任命姚聯奎為直隸大名道道尹此令等因奉此嗣據該道尹領憑到省當即飭知赴任在案茲據詳稱選於本年一月十三日到任造具履歷請核辦等情前來除將履歷分咨內務部銓叙局查照外理合附片具陳伏乞 聖鑒謹 奏

政事堂奉 批令委此令

政事堂印

洪憲元年一月二十日

國務卿陸徵祥

咨

司法部咨

各省巡按使 熱河 綏遠 察哈爾都統

嗣後高等廳等詳請任用監獄官員必須切實聲明資格請飭令將資

格憑證隨詳送候轉咨覆核文

為咨行事上年九月三十日奉

教令公布文職任用各令自應敬遵辦理近來各省高等廳詳報任用監

獄官員其資格間有不合者殊非整肅官常之道嗣後

高等廳 審判處 司法廳

詳請任用監獄官員必須指明合於何款資

格於詳內切實聲明並將其合於該款資格之憑證飭令隨詳送候轉咨覆核以昭鄭重除通飭遵照辦理外相應咨請貴公署查照施行此咨

司法總長章宗祥

部律

洪憲元年一月十三日

文官高等懲戒委員會致政事堂印鑄局函送民國四年發文號數表希登載公報函(附表)

逕啟者查民國三年分本會發文號數曾經查照公文程式令函請貴局登載公報公布在案茲將民國四年分發文號數分別列表函送貴局希即查照登載政府公報可也此致

文官高等懲戒委員會四年分發文分類編號表

編列號數

一三八

四

二

四

二

一

三

呈 奏 咨 函 電

飾 一八

政事堂銓叙局致印鑄局鈔送本局四年一月起至十二月止收發文表希刊登公報函(附表二)
逕啟者茲將本局四年一月起至十二月止收發文表一紙送上即希貴局刊登公報為荷此致

政事堂銓叙局中華民國四年一月起至十二月底止收文表

項別 件數 一四五四

堂交文 件數 一一七五

各部院文 件數 一二六四

各省文 件數 七二八

各部院函 件數 三一

電報 件數 四九

報到文 件數 四七九一

呈稟圖片等 件數 四七九一

統計 件數 三二一

項別 件數 一八八

詳 件數 一六八〇

各部院文 件數 九九〇

各省文 件數 三三四

電報 件數 一一三〇

函 件數 二二

批 件數 四三六五

各種汽水
各種食物罐頭
掛麪
菓子糖汁
麪粉
雞蛋餅干
燕腿
搗淨彩蛋
各種罐頭鵝牛鬆
醬菜
露酒
糟魚笋蛋等
煤
煤
煤炭三種
渣子鐵礦
粗礦
錫礦
焦炭
火礮
錫礦黑鉛
黃埠黑虎墩廠絲
三星圖改良自練絲
柞絲
再練洋裝黃細絲
繭
黃白絲
絲棉等
雪片絲
各種木材標本

北京金山公司
福建邁羅公司
無錫三多公司
上海中法藥房
江蘇胎成粉粉公司
上海中國第一雞蛋餅廠
江蘇茂生和
常州張裕昌實記
上海真鼎陽觀
浙江徐為粉
直隸臨榆縣柳江煤礦公司
直隸磁縣怡立公司
江西餘干官煤礦公司
本溪湖煤鐵公司
福建永泰縣永寶銅礦公司
廣西河池縣慶雲公司
華強工廠孫鳳武 孫慶德
直隸雄縣官硝分廠
富資官礦局
江蘇無錫源康廠
四川嘉陵縹絲廠
山東煙台元成永
四川閬中縣經文絲廠
四川官延年
陝西周寶積
萊陽王元之
湖南木商公會

春雲

瑞貢

六安毛尖茶桑蕊茶龍井獅子峰茶武夷茶家園茶雙蓋仙品茶

極品龍井茶

鐵觀音種龍圖水仙種大紅名種等

碧螺春茶葉

白毫龍巖烏龍茶珠花香茶梗

白水糖

冰糖

春季蜂釀白蜜

純正蜂蜜附差蜂礎片

各種魯酒

各種鮮果露酒

各種醬油

啤酒

中山松露酒

中國衛生醬油

蓮花牌再提廠經絲

白蠟小框絲

絲

絲

繭

繭絲蠶種棉各標本

棉條

木棉花

湖北廣源川紅茶公司

湖北元成昌

浙江汪裕泰茶號

上海茂生和茶號

福建林紀全

江蘇徐壽生

江西郭佩堂

福建信興公司

江西湯樹堂

上海毛義興

江蘇華輝之

山東勝紹公司

天津鴻興廠水公司

上海康成酒廠

江蘇薛泰豐

天津醒獅啤酒公司

直隸永泰昌

江蘇萬盛衛生醬油公司

四川泰豐絲廠

廣西省立蠶業學校

山東乙種蠶業學校

陝西官辦蠶業講習所

北京農業專門學校

江蘇私立蠶業講習所

湖南女子蠶業講習所

江蘇丁一飛

廣西吳雲茶

卷八

文官高等懲戒委員會議決書 四年第一百六十四號

被懲戒人

駱兆奎 曾任古田縣知事

孫麟閣 曾任永定縣知事

李仲謨 曾任德化縣知事

劉樹杰 曾任寧化縣知事

陳鴻澤 曾任歸化縣知事

右被付懲戒人因舉劾屬吏一案由福建巡按使呈奉

批令交會懲戒本會審查議決如左

主文

駱兆奎 褫職非滿六年不得開復私罪

孫麟閣 褫職非滿六年不得開復私罪

李仲謨 褫職非滿六年不得開復私罪

劉樹杰 褫職非滿六年不得開復私罪

陳鴻澤 褫職非滿六年不得開復私罪

事實

民國四年八月二十五日政事堂函送

大總統發下福建巡按使許世英呈舉劾屬吏請分別獎懲一案

奉 大總統申令撤任古田縣知事駱兆奎募債滋擾用人不當撤任永定縣知事孫麟閣辦事蠱疏致釀

人命開缺德化縣知事李仲謨匿報命案治匪無能撤任寧化縣知事劉樹杰迭被控案不洽輿情撤任德化

縣知事陳鴻澤辦理煙案致釀事端均著交文官高等懲戒委員會依法懲戒等因嗣於九月二十二日由該

巡按使咨送駱兆奎等五員懲戒證據到會本會就各該查辦員所列事實摘錄於後

駱兆奎 省委查辦員黎彰彰會同道委員康遷復查原詳 查此案緣起雖以公債為最大之原因但細察

人民之意並非反對公債乃反對辦理公債之人額外勒索故此案發生以後即有場谷鄉保董鄭一金函稟縣署稱係書辦丁步溪勒索所致嗣聞侯地方廳派委蕭檢察官檢驗譚德容屍身并根究致死原因曾親赴該鄉傳集鄭一金等多人詢悉丁步溪種種舞弊情形及私押勒索情事聞有一人被押會經鄭一金作保證明無誤又屍身葉趙氏等四人於委員處稟訴事前縣知事派委譚德容帶同靈書丁珠並差勇等到鄉募購公債票兼營業印花牲畜各捐藉公科派逐戶苛勒私禮百般威嚇等情查丁珠與鄭其信等原稟所稱之丁繼朱寔即丁步溪一人則丁步溪為釀成此案之禍首毫無疑義其罪誠擢髮難數矣惟該民人等應於事前澀情申訴而不應遽出於暴動雖現據該民人等迭次稟訴當日情勢稱係赴縣投訴未懷惡意其究竟屬實與否姑勿具論但以委員等事後目覩縣署門窗器物被毀情形及軍警被毆傷勢想見該民人等當日凶橫之狀殆已成爲不可掩之事實而軍警當時被逼開槍之非出於不得已亦不辯自明更有搶失槍枝一事彰前通電時未經查悉不敢妄報嗣於本月四日會同遷及蕭檢察官親行查點果失警槍五支陸軍所失查亦屬實並由路知事開明各物失單交檢察官現在查訪首事之人尙未得真正主名祇有鄭蘇卿於此案發生之前一夕在該鄉鳴鑼聚衆曾經譚德容報明有案已由縣設法偵緝第查譚之報告非出己手乃由丁步溪捉刀今譚既死了又不到案即使鄭蘇卿緝獲無人證明其罪亦恐難鑿衆心故丁步溪不獨爲此案之要犯並爲此案之要證非從速緝獲此案恐無了結之期

孫麟閣 統帶鄒雲標查辦原詳 據查辦是案之鄒統帶雲彪電稱永杭官民交誼一案民未免野蠻官未免操切案情複雜俟回汀詳報又據詳稱統帶遵於七月二十二日抵杭准楊知事在春面稱此案極形複雜未免張冠李戴昨由官田勸得李敏恭委係割腹腸出斃命又八歲小學校學生李添彬右臂傷亦委係快槍子彈所中各等語二十三日行抵距官田五里外亭即有李敏恭子姪李廣應等以無辜被押謀刺斃命哀懇伸冤伏地喊稟甫進該鄉又有老少男婦多人哀號叫屈有以藉端陷害挾勢欺凌有以大冤莫伸叩恩救究各等稟紛投前來統帶雖不敢濫用職權擅行收受祇得下與次第撫慰畢即據丘集謀李榮宗等導至化成小學校址休息隨傳集李榮植劉長先到校先後質據衆口一詞僉謂此次釀成命案原因有二一先是被上鄉

有前清生員李壽昌招認私塾與該籍紳校小學校有新舊意見該校長賴明控李壽昌破壞學校事
孫於五月二十七日即新曆七月九日聞因催收公債票來稔市借寓作新學校就近傳集原被兩造質訊適
原告賴秋明遠出將李壽昌押候又永轄長灘鄉民李博和在丰業屠經派購公債十五元因款未齊拘繳亦
在押各被押家屬俱來校邀免拘留留恰值是日墟期人衆賢愚不一或嘗議紛紛或隨聲附和致激動李錦添
鳴鑼兇喊間有無知拋擲瓦石恃衆要挾孫知事不得已將李壽昌李傳和二人釋放一面開槍示威致有隔
河中傷學童李添彬之事旋於次日調警兵多名到鄉紛擾又因地痞賴福標恃伊子秋明爲鎮岐學校校長
串同縣書記賴可仁挾爭樹嫌妄指李有志李騰保爲賭棍孫知事以鳴鑼糾衆搖旗持械喊攻株連官田
因此李敏恭誠恐羅織全鄉無辜即與集謀等同赴作新學校行署面求剖白不意永縣主即傳押候集謀等
要求逃免即以李敏恭爲李族家長拘押勒交妄指賭棍李有志李騰保及鳴鑼滋鬧各犯究之李敏恭係爭
樹案內被告第二名李騰保之姪向在江右作絲煙貿易適回二十來天鳴鑼圍校係河東渡上鄉事與河西
官田風馬牛不相及當日該處滋鬧官田鄉看者雖衆實未過河有渡子李升才可證各等語並據商號丘永
福劉義等僉稟爲事起切近聞見最直據實上達事緣永定縣主來稔市辦公假住作新學校即合坊之文館
屋宇廣闊樓閣巍峩因永主孳人被擊者之婦女有啼哭者有怨嗟者由是經過到校求釋市中閭人及附
近鄉民不知何故跟前觀看雖則人聲喧嘩不過官牆外望永主深居內閣聞外面人聲嘈雜杯蛇弓影連忙
放槍此係河東一方面實在情形也至官田一鄉係屬杭轄相距學校十里中隔大河河岸即商等市場學校
尙在市後官田鄉人如有搖旗持械喊攻必需渡河入市商等商務攸關豈肯袖手旁觀之理及後永主派勇
到鄉並將李敏恭拾回係屬官民交涉之事商等不便干預惟此事起點係在商市逼近之地商等聞見最真
且一則是父母長官一則各轄鄰里無分厚薄不過據當日所見之事據情達上並無左袒官田鄉實無搖旗
持械喊攻情事聯名切稟計黏各號圖記一紙等情二十四日經李榮宗丘集謀等導至距官田四里許之廻
瀾官乃李敏恭存柩所在傍有清雍正六年汀邵鎮林批禁該嶺山林不准斫伐碑文一道復至該山踏勘
週圍以路河爲界計四百餘步高約三十丈樹木僅共十三株李賴兩墳各一塚相距五十步其已折樅樹兩

株現尙存其一未動繼至丰稔市作新學校校長劉榮教員劉國標出爲招待詢及李敏恭割腹實情俱稱不知惟引至文昌神像前作仰靠神龕手足分張形式而已是午仍回官田原校二十五日抵永定縣駐官立學校與孫縣尹晤商和平解決辦法渠云必要將鳴鑼搖旗持械之爲首者嚴辦方能了結並准咨知前來准據此統帶訪諸官田渡上兩鄉輿論徵之永杭二縣案卷伏思發生原因李姓不爭已折坵木兩株而賴姓不致挾嫌妄指李有志李騰保爲賭棍李書昌不爭儒學租谷而賴秋明不致挾嫌呈控李書昌破壞學務李傳和若將公債繳清而孫縣尹不致拘李傳和押追李書昌李傳和之家屬大小男女不赴該縣行次要求即釋而是日達壘無知之徒不致蜂擁混鬧杭轄官田鄉耆民等不詣該縣行次面求剖白而永縣尹不致獨押李敏恭爲跟交李敏恭不因求伸反屈必不至腹破腸流斃命此全案相因發生之實在情形也已故李敏恭無論謀刺自戕非鈞使專派幹員將被控謀刺之賴富標賴可仁與該縣看守押所之曾文王榮等提案實訊難期水落石出以成信讞

李仲讓 廈門道尹汪守珍查覆原詳 茲據該道尹詳覆案奉鈞使行署密飭開准內務部電承准政事堂交德化縣代表團董周公雲等庚電一件到部查核電稱德化薦解鄉被匪攻入焚殺甚慘該縣李知事置若罔聞又許里鄉被焚民團往捕致被溺死該知事詣驗後又復派押勒索等情如果屬實民何以堪特此電備希即澈究見覆等因查該縣薦解鄉許里鄉被匪焚殺甚至民團往捕致被溺死情節重大何以竟未詳報部電據控該知事濫押勒索果係屬實亟應嚴查澈究合行飭仰該道尹迅速嚴密查辦週日具報以憑核辦等因當經密派委員韓晉琦調查去後茲據該委員詳稱遵即稟辭起程馳抵德化縣密查薦解鄉被匪焚殺事屬有之又許里鄉被匪民團往捕致被溺死一節委員密查溺死之人係土匪王讀被民團逼溺水而死彼時鄉民稟報縣知事而李知事隨派李厚坤前往勘驗抵鄉時而該委員不認王讀爲匪竟斥該鄉民戕殺無辜俟周彭周水挑飯供給警隊時即行拘拏送押並有苛勒情事委員復往該鄉查問周彭周水及團丁周宗濂等據云情形與委員所查相符亦自願出具切結二紙爲據奉飭前因合將密查情形並附呈切結二紙具文詳覆察核等情並送切結二紙到署據此道尹詳加覆核當此案派委之時並據該團丁周宗濂亦以前情

甘結據情詳請鈞使查核施行再此案關係民命未據該知事勘驗詳報應否一併懲處並候鈞裁附甘結二紙內開具切結人許里鄉周彭今當委員台下結得團丁捕匪被王生泮妄控命案李縣長派委李厚坤到鄉詣驗彭與周水案內無名挑飯與食遂將兜拏送縣管押二十五天強勒去錢三萬文始行放回此係確實如有一字涉虛願甘坐罪合具切結是實具切結人許里鄉團丁周宗濂今當委員台下結得濂等違團董即帶團丁往捕著匪王讀懼走自行溺水身死伊親王生泮赴縣妄控遂即派委李厚坤到鄉詣驗濂等不能與開夫班諸費逃避無見致將家具器物一盡搬去此係確實如有一字虛詞願坐重罪合具結狀是實又據覆稱案奉鈞使行署飭開本使巡至鷺江據德化紳耆面稟該縣李知事違章苛勒縱匪殃民等情到署除批該知事果係任用非人收受陋規殊屬不成事體外合行飭仰該道尹迅遵安員嚴密訪查廉得真情詳復核辦原稟併發仰即鈔錄仍繳備查此飭等因奉此當經密派委員韓晉琦調查去後茲據該委員詳稱遵即稟辭起程不動聲色馳抵德化密查坪埔鄉練冠瀛暗林口鄉即上林鄉林穆源即林木元林豪甲朱紫鄉林其淵高洋鄉陳葆辰上荇鄉張春陞等均被該縣警隊及委員勒索確有其事細查鄰鄉並無異詞其勒索事實暨銀元數目均備載於各該民甘結內不復再贅其餘各鄉因土匪未靖肆行搶掠勢難前往訪查郭陽春等原稟所指縣收發李善荃巧設陋規各節查有其情惟尚無確實證據至縱匪殃民一節查係因匪到鄉搶掠民人投縣請兵而縣知事一時不能救護之故奉飭前因合將密查情形並附呈各鄉甘結五紙具文詳請查核等情并詳送甘結五紙前來道尹查核甘結內所稱各情該委員警隊等竟敢假借驗契辦稅要求供應勒索夫馬不遂其願則以鞭責拘留洩其私憤實屬膽大妄為應如何懲處之處理合附繳原發鈔稟並檢同甘結據情具文詳請查核各等語又附甘結五紙內開具結狀人前清把總張春陞今當委員先生台下結得李知事於舊曆二月二十六日派委郭興瓚帶隊十六名並鎖帶前清廩生陳冠瀛擁到陸家中聲言催辦稅契先要勒銀五十元陸家貧無銀可還求緩三天觸怒立被拳脚交毆受傷因鑒於冠瀛之受辱不敢赴縣請驗無奈奔訴道尹衙門並無妄控情事如虛願坐合具切結是實具結狀前清附貢生陳葆辰今當委員先生台下結

得李縣長於舊曆四月間派委郭興瓚帶隊十八名到鄉辦稅辰同鄉長往見開口即令越日將全鄉契宗繳交稅清遲則將各鄉長帶縣責押辰求限三天則謂現交二百元亦可減稅辰等無奈鳩集小洋二百角由陳國標送交郭委員手收嫌少觸怒立將辰帶縣拘留警局兩日又被警差勒去小洋八十角再託委員林義婉求交過小洋二百四十角始得開釋茲逢委員到鄉查詢所結不致瞞飾如虛願坐合具切結是實具結狀人前清附貢林其淵等今當委員先生台下結得淵等指控林委員私勒貼稅費三十六元八角又將契券隱匿起價加索去銀九元九角郭興瓚到鄉私勒夫馬酒席差勇費計六十二元所控皆實並無妄捏如有虛情願甘坐罪合具結狀是實具結狀暗林口鄉前清監生林豪甲林穆源等今當委員台下結得舊曆二月十五日李縣長派伊姻親郭興瓚帶警備隊夫馬四十餘名到鄉稅契要令甲鄉稅五百宗甲等以鄉中入丁散處一時難以鳩齊先檢出一百宗交伊手收後要勒夫馬費甲等備四十元付開嫌少將甲及穆源升甲擊來縣署嗣將升甲放回將豪甲及穆源押入班館次日甲與配讓全鄉稅清計有三百餘宗照額報稅再開委員費四十元並將情稟明縣長郭委員將四十元吐出抵稅契兩而林李兩委員經手四十元不肯放舍將源嚴責一百板計押禁三十餘天合將實情聲明如有一字子虛願甘坐罪合具結狀是實具結狀前清廩生陳冠瀛今當委員先生台下結得本年舊曆二月二十六日李縣長派委郭興瓚帶隊十六名到鄉辦稅瀛往見詢問情由郭委員令瀛擔任全鄉立刻稅清時瀛以族人四散一時難以召集婉求展限三天反觸伊怒將瀛捆帶至張春陸家陸孫方彌月預備筵席款客被警備隊搶食乾淨瀛與陸勸其勿得如此行為復觸伊怒開拳毆打又將槍頭痛擊致瀛受傷帶縣管押數日被勒去小洋二百角始得放回現瀛顛連牀褥傷尚未痊幸逢委員到鄉查詢不得不將受虧情形據實面陳中間如有一字子虛願甘坐罪合具切結是實

劉樹杰 汀漳道尹孫世偉覆查原詳 據道尹孫世偉詳覆稱案奉飭開據寧化縣全體民人臚列寧化縣知事劉樹杰劣迹二十三款請澈究等情查此項匿名函件原不足據為憑信然單內所列各款似皆鑿鑿可據亦不得為無因事關吏治虛實均應澈查合將原單飭發該道尹仰即派員按照單內所開各款逐一切查據實詳復以憑核辦毋稍徇隱代人受過原單仍於查畢後繳還此飭等因遵經飭委金家煥前往澈查去後

附件到道奉此當經飭委該員併案查報將該知事蔣現伊象嶸爲同盟會會長一案由道尹電陳鈞使鑒核各在案茲據該員金家煥詳稱以奉飭後逾於七月二十五日東裝馳赴該縣按照單開各款切實調查惟到地之時即聞七月二十四日寧化縣劉知事派委嚴擊同盟會之伊象嶸該姓即聚集多人毆委抗拒後經西路警備隊長胡溪臣出爲調和將委員保護回署該全體紳民開會集議提出辦法數條一不承認劉知事爲該縣知事二不准驕夫扛抬劉知事出門三柴米藥物不賣與縣署四何人敢爲劉知事剖白及稱劉知事好官者羣起攻之五勒令劉知事將印交出送與鄰封兼理嗣經老成之人以目下議會取銷第五項暴動似不相宜遂作罷論但縣公署門首以及四處城門日夜均有數十人看守以防劉知事私逃秩序異常紊亂委員當時住於城外聲言係往該處贖賣物件次日即據單列過付之張光喜伍子雲黎介夫伊象棟等紛紛親自投到直認某案係其經手共洋若干元不諱甚有警啞十餘人擁至寓所叫喊以伊等孤貧口糧被劉知事剋扣等語查警啞何至消息靈通有如是之速其爲受人主使已無疑義目下官紳惡感已達極點被動波及全縣且先期有何人爲劉知事剖白及稱爲好官者羣起攻之之言在旁觀者設身處地自不肯有一言公論而結怨全體以故調查各案雖未敢概指爲非然亦不敢遽信爲實蓋證之過付之本邑人及警啞之行爲在此時機欲得真相實有爲難也惟單內所稱劉知事之姪劉有智辦案索取夫馬費各款事屬有因第此案初因官紳爭權劉知事對於邑紳並不稍加顏色而公署職員非同姓子姪即葭李之親先已貽人口實職員中二三人不知檢束遇事招搖恐亦難免等情詳覆前案道尹復加查核該知事始因辦理印花科罰較嚴繼因對待紳縉不加辭色以致互相攻訐遇事生波據查劉知事被控各條適當全境洶洶之時固難逐一調查且該紳伊象嶸等開會條款內謂如有一人爲劉知事剖白即羣起反對等語是以真相最爲難得惟其姪劉有智赴鄉辦案索取夫馬自不得謂爲無因但單列之過付張光喜伍子雲黎介夫伊象棟竟敢親自投稱認爲某某案經手其情已屬可疑而行賄之罪律有明條又何得置身事外現該知事雖查無貪贓枉法確據而約束不嚴似屬咎有難辭至伊象嶸是否爲同盟會會長有無確據理應聽候查辦如有不服亦可具情上訴乃竟

聚集多人毆委抗拒並於次日開會提出辦法五條實屬橫行挾制強霸一方所作所爲形同化外若不嚴行懲治則將來該縣地方人民效尤無已後患方殷現聞該紳伊象嶸業經赴省起訴黑白是非不難畢露極應分別懲辦以遏刁風而維吏治緣奉飭查理合擬議詳覆核示等情前來

陳鴻澤 汀漳道尹孫世偉原詳 據該道尹復稱據清流縣知事李嘉臨詳稱七月十七日奉密飭開奉巡

按使行署飭開查歸化縣禁煙委員滋事案前經飭沙縣知事王紹璧查復屬實當飭該道尹復查在案茲據詳復僅叙清流縣李知事所詳原文並未加一斷語而該知事所查與王知事所查情形互相歧異無從核辦究竟該委員滋事實情若何合再飭仰該道尹迅即切實查明並擬具辦法詳復以便核辦等因奉此查此案

前據該知事詳復前來當經本道尹備文轉詳茲奉飭開前因合將沙縣王知事及該知事查覆不同事件條摘另紙鈔附飭仰該知事查案火速密查具報毋得刻延至于未便並發鈔件一紙等因奉此查此案已兩次密查具覆因初奉委查係指張天培等控告陳知事勒索鉅金不遂致釀事變一節繼奉續發鄧紹賢等稟控各節前文已經申發故又往切查按照稟指情形分別詳陳各在案茲將兩次所查及與沙縣查復不同之點

謹按摘問縷細答復(一)問沙縣詳陳知事到夏陽飭差持片往嶺後鄉紳士黃俊賢並翁某二人令往調和陳知事要罰一萬二千元黃翁二紳只說十餘元方敢擔任清流縣詳則云有夏陽紳士王炳光甲長蕭茂行

出爲調和請求罰鍰陳知事堅執要人等語究竟紳士何名調和罰款等事係陳知事主動抑係紳士請求罰款是否一萬二千元(答)陳知事到夏陽辦理此案據知事訪聞係紳士王炳光蕭茂行因夏陽距離土嶺較

近恐軍隊剿辦有城火池魚之虞出爲調和請求罰鍰後因所議未妥故陳知事不允堅執要人並非陳知事自行主動亦未查有黃俊賢翁姓二人經理至罰款數目知事查詢數處有謂三千元有謂五千元紛說不一當時王蕭二人外出未與面談故不知其中實在然證諸張天培原控亦祇云陳知事索求數千元可見一萬

二千元未必盡實惟此項罰款雖有經說確未過付訪諸城鄉衆口一詞可以派員復查(二)問鄉民抵抗官軍進鄉沙縣詳當時中槍斃命者名吳烈深清流縣詳名吳金標究竟死者何名(答)當時中彈斃命者實係

吳烈深與前詳所報吳金標無異

多少房屋(答)焚燬房屋當初有一間住兩家兩間住一家者現在灰燼之餘無從點計續詳以籠計家最為確切初詳漏未聲明(二)問沙縣詳十三日陳知事復帶警往地尾鄉焚燒吳丕全等房屋共十三家並將事外之吳丕永家標封清流縣並無提及究竟有無其事(答)陳知事將土嶺房屋焚燬後即帶警往地尾鄉焚燬吳丕全等房屋並標封吳丕永家續詳內燒去吳姓房屋七十餘間計有十籠約十家即係此事與沙縣所詳並無抵觸(一)問沙縣詳數日後陳知事又拿該鄉吳佳仁一名十五日仍回后陽鄉焚燒盧中欽等房屋六家十六日回縣等語清流縣詳亦無提及究竟有無其事何日回縣(答)陳知事將土嶺地尾二鄉盧吳二姓房屋焚燬後又於陰曆正月十五日回至后陽鄉將賣煙滋事之盧中欽房屋焚燒共四十餘間計有四籠約係四家續詳已聲明正月十六日陳知事即行回縣至沙縣文內有拿獲吳佳仁一名知事復查歸化縣卷雖當時拿獲有九名之多並無吳佳仁其名原詳將拿獲之九人姓名逐一開列係按照解縣提訊名單列報以上各情均係陳知事自舊曆正月初八日至十六日在鄉辦理實情未敢代為隱飾惟查知事初次奉委調查正值到任伊始接收交代並因公債限期匆迫前任尙未著手故僅向該縣城紳李泰交蔡步元二人詳詢顧末當經李泰交蔡步元乃歸邑公正紳士當彭委員被擄之時併經陳知事委託該紳等前往土嶺勸解見聞較確且張天培具控案情該紳等亦所深知諒不致誤嗣將該紳等所述徵諸夏陽商人亦屬相符因難久稽即行趕回原詳於軍隊赴鄉焚屋及攫取財物一節未經詳叙稍嫌簡略二次委查逾經復往城鄉詳細訪併赴土嶺地尾兩鄉查勘被焚房屋詳點間數較確實第核與沙縣詳復並知事兩次前往該縣城鄉調查大致尙屬相符其中不同之點厥有二端一沙縣詳復係軍隊先行開槍故鄉人抵抗知事查復則鄉人先開土礮抗拒軍隊始行開槍然證諸事實委係鄉人先行抗拒眾口一詞自毋庸諱二沙縣詳復罰款似係陳知事主動知事查復則由夏陽紳士王炳光甲長蕭茂行出為請求罰錢了事此節是否鄉人口述之誤抑係知事訪詢非人當時因王蕭二人外出無從傳質然罰款並未過付則與沙縣所查相同奉飭前因理合逐條答復具文詳請查核示遵再鄧紹賢等稟訴吳承春被歸化縣知事拘拿得賄釋放一案已於續詳內查復此事係陳知事回署之後發生故沙縣原詳及知事初詳均未叙及彭委員下鄉滋事實情初詳已查復茲不贅陳合併聲明

理 由

此案古田縣知事駱兆奎因勸募公債任用非人釀成鬧署戕人鉅案案內要犯書役丁步溪畏罪遠颺又未能即時緝獲致令募債委員之自戕與官兵之交鬪無從判其曲直雖據報稱公出而滋擾之罪已難自掩永定縣知事孫麟閣於賴李兩姓爭墳樹一案挾嫌互控遂將案外無辜之李傳和李敏恭拘押留質釀成鄉民聚眾滋鬧李敏恭割腹身死等事實屬辦事粗疏難膺民社德化縣知事李仲諤於委員警隊下鄉剿匪四出詐索何以毫無知覺又於命案不親詣驗任聽委員濫押濫刑揆其情形真同聾瞶僅謂之治匪無能似難蔽辜寧化縣知事劉樹杰被控各案據道尹復稱官紳交惡一時難得真相而任用其姪劉有智赴鄉辦案跡涉招搖又與鄉紳伊象嶸意見不合致有毆委抗拒開會抵制之事其舉動乖謬不洽民情已可概見歸化縣知事陳鴻澤於禁煙委員被毆傷後帶兵下鄉剿辦又因議罰款意見不合官民交鬪遂至焚屋傷人雖據查無得賄實據而辦事蠱暴實難辭咎以上五員所犯事實均具於查辦員原詳之內而詳加查核各案多懸而未結按之知事懲戒條例實難恰定其專條茲援照該條例第十條事實相等應受同等處分之規定認為合於該條例第二十一第二十二條均應受褫職並奪官非滿六年不得開復之處分特為議決如右

中華民國四年十月二十日

- 委員長周樹模
- 委員汪鳳瀛 缺席
- 委員汪熾芝
- 委員余榮昌
- 委員孫培
- 委員余紹宋
- 委員達壽
- 委員盧

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始幾軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隍枕賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生鞏寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以為將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此移古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之為期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以為將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論為大總統者如何賢明不過多方設法以維持現狀已爾欲求立憲以謀國家之進步兩轍北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易或數年而一易其開創之君非不雄才大略規模宏遠無如數傳而後法度漸弛遺澤就涇國統遂絕六朝五代之際君位直如奕棋人民蕩析離居幾於不可終日論者每舉以為君主制病而不知此非君主制之病君主而不採用立憲制之病也世界各國政治均由人治時代晉而為法治時代而中國政治蓋猶有數千年來人存政舉之選思前此治亂相循邦基不固國是未定厥有由乎現在欲求立憲既以君主為前提而實行君主制度尤必以立憲為要義查東西立憲國家有強固之政府以擔負責成有穩健之議會以協贊政府上下相與之際各有定之法令以為運行君主總攬大權實居於調燮之地位相推相盪以劑其平英主無所增中主無所損故國家元首雖等於神聖之尊嚴而其實實立於政治潮流之外有政府與人民接近之事而無若與民衝突之

覆按也我國若於決定君主立憲國體後使憲政得以實行是有數千年君主之利而無數千年君主之弊政
治革新遠軼三五矣此就君主立憲綜合言之而知中國之國體政體舍此更無他道也以上各種理由特就
全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其
言之痛切而有益於事勢也以決諸國民之公意而全國之國民代表亦遂人同此心同此理以相與有成
使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程
度之高而以國民組織國家以國民推戴君主開世界最新之特例留歷史無上之光榮試以此次改革與從
前征誅之局相較征誅者克以武力彼此不免猜嫌非厲行專制之後難言民意此次改革純出於民意之協
同全國上下共此一心憲政之進行法治之國家即可由斯也點再以此次改革與從前揖讓之局相較揖讓
之授受終未能出自人民其君民之感孚恐不能異常融洽此次推戴純出於民意之愛戴君民之際不啻家
人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之
素願爲國利民福之良圖於國家根本問題則從速制定憲法定期召集民選之立法機關於國家行政事務
則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之
一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併
聲明總期君主批政悉予掃除等因開國規模權輿於此上年十二月十三日國體既定文武官吏觀賀
皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心
理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我
國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許
困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫
鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不
敢避惟中國至大國事至重予以一手一足爲力幾何所望大眾同心協力犧牲一切以救國家庶足匡予不
逮此次籌備大典務宜刪削繁文不僭吾國歷代繁重之典禮不可蹈襲即世界各君主國現行之典禮苟有
稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大眾如視皇帝爲尊榮則國家亦必危自今以後予與國民當共視爲跌薪當瞻之日惟願各以國家爲重以期共濟艱難若國體既改而於政治不能整理進行不僮予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主秕政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 願注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民權水火想望治平不可必得良善者坐困閭閻狡黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告
洪憲元年一月十日

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章偷蒙光顧祈駕臨打磨廠西口內

本號接洽可也

電話南局五五四 又二二五二

銀行啓事

茲屆春節於陽曆二月三日至六日照章停止營業四日謹此佈告

司法部通告

為通告事查司法官考試令暨關於司法官考試令第三條甄錄規則業於上年九月三十日奉 令公布十月一日刊登政府公報在案現在司法官甄錄委員會本部業已依法組織成立定於本年四月間舉行甄錄試驗凡具有關於司法官考試令第三條甄錄規則第一條所列各款資格之一而願應司法官考試者務於本年三月十五日以前遵照甄錄規則第二條及第三條之規定赴部按照部定格式填具親筆履歷書及願書並將足資證明各項學識或經驗之書類文憑隨同送驗其在外省者亦應屆期親身赴部報名一俟甄錄委員會審查後認為可受試驗者再登公報通知屆期來部面試特此通知
洪憲元年一月十九日

北京清華學校招考高等科插班生

本校高等科現分四級每學年遞升一級每年招考插班生一次今年在北京上海兩處招考各級插班生 額數 以八十名為度 年齡 自十六歲至十八歲者可報名 資格 體質健全 性行端敏 國文程度 約在中等 英文程度 至少須會用英文教科書習過 Channing's 讀本七冊或同等之讀本七冊此外須習過納氏文法四冊衛生學及初步地理 切實研究 者可於步化學初步代數等書如有習過高深學科者可報考高級凡於上列學科曾經 一月十日 起至三月三十一日止向 北京清華學校招考處 函索詳細招考章程並須附寄郵費一角空函不覆

北京清華學校招考處啟

●通告中外商民人等

財政部爲通告事查雲南省現有亂黨擁兵謀叛難保不乘時濫發軍用鈔票希圖攫利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

●大律師李焜墀廣告

本律師專以鞏固國法擁護人權鋤強扶弱爲目的現已銷假仍代理北京各級法院民刑訴訟及一切法律行爲凡有諮詢事件可親至宣內象坊橋正北河沿路西蔚公寄廬電話兩局一千零三十號本事務所接洽